

# Oifigeach Eolaíochta um Ghalair Inchoiscthe trí Vacsaíniú

Aonad: Aonad na gClár um Ghalair  
Tagairt: ECDC/FGIV/2023/DPR-SOVPD

Tá iarratais á lorg ar an bpost thuasluaite mar Ghníomhaire ar Conradh sa Lárionad Eorpach um Ghalair a Chosc agus a Rialú (ECDC).

## Sainchuntas poist

Is mian le ECDC duine a earcú le bheith ag obair mar Oifigeach Eolaíochta sa Rannóg um Ghalair Inchoiscthe trí Vacsaíniú agus um Imdhíonadh (VPI) in Aonad an Chláir maidir le Galair.

Beidh sealbhóir an phoist freagrach do Cheann na Rannóige agus táthar ag súil go gcuirfidh sé/sí go háirithe le gníomhaíochtaí sna réimsí oibre seo a leanas:

- Tacaíocht a chur ar fáil do Ballstáit AE/LEE agus don Choimisiún Eorpach i réimse na ngalar inchoiscthe trí vacsaíniú trí fhianaise eolaíoch, athbhreithnithe córasacha ar fhoilseacháin, tuarascálacha teicniúla, treoirdhoiciméid, agus cuairteanna ar thíortha;
- Anailís, bailíochtú, léirmhíniú agus scaipeadh faireachais agus sonraí eipidéimeolaíocha eile a bhaineann le galair inchoiscthe trí vacsaíniú;
- Comhoibriú go gníomhach le geallsealbhóirí inmheánacha agus seachtracha agus rannpháirtí i líonraí ábhartha de chuid ECDC chun an comhar idir ECDC agus Ballstáit AE/LEE a neartú;
- Meastóireacht agus faireachán a dhéanamh ar chláir vacsaínithe d'fhonn fianaise a sholáthar le haghaidh moltaí eolaíochtbnaithe;
- Obair i gcomhar le príomhgheallsealbhóirí ó Bhallstáit AE/LEE agus ó eagraíochtaí comhpháirtíochta chun riachtanais a mheasúnú maidir le tacaíocht ó ECDC;
- Rannchuidiú le táirgeadh tráthúil measúnuithe mear-riosca/mear-ráige ar ardchaighdeán agus atá bunaithe ar fhianaise, agus le haschuir eile mar fhreagairt ar bhagairtí galar atá inchoiscthe trí vacsaíniú;
- Rannchuidiú le múscailt feasachta (e.g. Seachtain Eorpach Imdhíonachta);
- Tacaíocht a chur ar fáil do chomhordú straitéiseach na líonraí galar, lena n-áirítear cruinnithe a ullmhú, a eagrú agus obair leantach a dhéanamh orthu;

- Bainistiú tionscadail conarthaí seirbhíse le conraitheoirí seachtracha;
- Rannchuidiú le práinnfhreagairt sláinte poiblí, córais dualgais 24/7 ECDC, agus le gníomhaíochtaí eile de réir mar is gá, ina réimse saineolais de réir mar is gá, lena n-áirítear Tascfhórsa Sláinte an Aontais Eorpaigh.
- Aon chúraimí eile a bhaineann lena réimse oibre, de réir mar a iarrtar air/uirthi.

## Na cáilíochtaí agus an taithí a theastaíonn

### A. Ceanglais fhoirmiúla

Chun bheith i d'iarrthóir incháilithe, ní mór duit sraith ceanglas foirmiúil a chomhlíonadh. Is iad seo a leanas na ceanglais atá i gceist:

- Leibhéal oideachais arb ionann é agus cúrsa ollscoile críochnaithe trí bliana ar a laghad arna fhianú le diplóma<sup>1</sup>;
- Eolas cruinn ar cheann amháin de theangacha oifigiúla AE agus eolas sásúil ar theanga oifigiúil eile AE sa mhéid is gá chun a dhualgais/a dualgais a chomhlíonadh<sup>2</sup>;
- A bheith ina náisiúnach de cheann de Bhallstáit den Aontas Eorpach nó de chuid na hIorua, na hÍoslainne nó Lichtinstéin;
- A bheith i dteideal a cheart/a ceart iomlán mar shaoránach<sup>3</sup>;
- Aon oibleagáidí a fhorchuirtear leis na dlíthe is infheidhme maidir le seirbhís mhíleata a bheith comhlíonta aige/aici;
- Na riachtanais charachtair a chomhlíonadh maidir leis na dualgais atá i gceist; agus
- A bheith corpacmhainneach chun na dualgais a bhaineann leis an bpost a chomhlíonadh.

### B. Critéir roghnúcháin

Tá **critéir riachtanacha** maidir le taithí ghairmiúil/eolas agus tréithe pearsanta/scileanna idirphearsanta sainaitheanta againn mar chritéir cháilitheacha don phost seo.

#### Taithí ghairmiúil/eolas gairmiúil:

- Céim ollscoile nó iarchéim i réimse an leighis, na n-eolaíochtaí bithleighis, na sláinte poiblí, na heipidéimeolaíochta nó i réimse eile a bhaineann leis an bpost, nó, mar mhalairt air sin, diplóma iarchéime ó Chlár Oiliúna Eipidéimeolaíochta Allamuigh (EPIET nó clár náisiúnta coibhéiseach);
- Trí bliana de thaithí ghairmiúil ar a laghad, tar éis an diplóma a bhaint amach, a fuarthas i bpoist atá ábhartha don sainchuntas poist agus a bhaineann le galair atá inchoiscthe trí vacsaíniú;
- Taithí ar shláinte phoiblí i réimse na ngalar atá inchoiscthe trí vacsaíniú ar an leibhéal náisiúnta agus/nó idirnáisiúnta, lena n-áirítear líonrú agus cumarsáid le geallsealbhóirí;

1 Ní bhreithneofar ach diplómaí agus teastais a bronnadh i mBallstáit AE nó lena mbaineann teastais chomhionannais arna n-eisiúint ag údaráis sna Ballstáit sin.

2 I gcás iarrthóirí a bhfuil máthairtheanga acu nach teanga oifigiúil den chuid an Aontais í nó arb é Béarla a máthairtheanga, ní mór dóibh leibhéal an dara teanga a chruthú le teastas (B1 nó níos mó).

3 Sula gceapfar é/í, iarrfar ar an iarrthóir rathúil deimhniú ó na póilíní a chur ar fáil, lena léireofar nach bhfuil aon taifead coiriúil ar bith aige/aici.

- Taithí chruthaithe agus scileanna cruthaithe i dtaobh anailís a dhéanamh ar shonraí eipidéimeolaíocha ag baint úsáid as bogearraí staidrimh (R más féidir) chomh maith le léirmhíniú a dhéanamh ar fhaisnéis eolaíoch eile;
- Taithí chruthaithe ar bhainistiú tionscadal;
- Taithí agus scileanna maidir le tuarascálacha a scríobh agus cuir i láthair ó bhéal a thabhairt;
- Sárthuisicint ar Bhéarla, idir scríofa agus labhartha.

### Tréithe pearsanta/scileanna idirphearsanta:

- An cumas gníomhú ar a t(h)ionscnamh féin;
- A bheith tiomanta chun ardchaighdeán a bhaint amach;
- Scileanna eagrúcháin agus an cumas freagrachtaí a bhainistiú faoi ghnáthchoinníollacha agus faoi bhrú freisin;
- An cumas comhoibriú mar bhall d'fhoireann idirnáisiúnta ilchultúrtha;
- Sárscoleanna scríofa agus cumarsáide béil.

Ag brath ar an líon iarratas a gheofar, d'fhéadfadh an coiste roghnúcháin riachtanais níos doichte a chur i bhfeidhm laistigh de na critéir roghnúcháin réamhluaite.

## Comhdheiseanna

Is fostóir comhdheiseanna é ECDC agus molann sé go láidir do gach iarrthóir a chomhlíonann na critéir incháilitheachta agus roghnúcháin iarratas a dhéanamh, gan aon idirdhealú bunaithe ar fhorais amhail aois, cine, polaitíocht, fealsúnacht nó creideamh, inscne nó gnéaschlaonadh agus beag beann ar mhíchumas.

## Ceapachán agus coinníollacha fostaíochta

Ceapfar an sealbhóir poist de réir gearrliosta a mholfaidh an Coiste Roghnúcháin don Stiúrthóir. Is ar an bhfógra folúntais seo a bheidh an moladh ón gCoiste Roghnúcháin bunaithe. Iarrfar ar iarrthóirí trialacha scríofa a dhéanamh. Ba cheart d'iarrthóirí a thabhairt dá n-aire go bhféadfaí an togra a chur ar fáil go poiblí agus nach ionann ainm a bheith ar an ngearrliosta agus duine a earcú. Déanfar an gearrliosta iarrthóirí a ullmhú tar éis próiseas roghnúcháin oscailte.

Earcófar an t-iarrthóir a n-éireoidh leis/léi mar ghníomhaire ar conradh, de bhun airteagal 3a) de Choinníollacha Fostaíochta Sheirbhísigh Eile na gComhphobal Eorpach go ceann tréimhse cúig bliana. D'fhéadfaí an conradh a athnuachan. Ceapfar an t-iarrthóir rathúil chuig **Feidhmghrúpa IV**.

Ba cheart d'iarrthóirí a thabhairt dá n-aire go gceanglaítear le rialacháin foirne an Aontais go gcuirfeadh gach ball foirne nua tréimhse phromhaidh naoi mí i gcrích go rathúil.

Chun tuilleadh faisnéise a fháil faoi na coinníollacha conarthacha agus oibre, féach Coinníollacha Fostaíochta Sheirbhísigh eile na gComhphobal Eorpach, atá ar fáil ag an nasc seo a leanas:

<https://eur-lex.europa.eu/legal-content/EN/TXT/?uri=CELEX%3A01962R0031-20140501>

Beidh an post lonnaithe i Stócólm, áit a gcuireann an Lárionad a chuid gníomhaíochtaí i gcrích.

## Liosta ionadaithe

D'fhéadfadh sé go ndéanfaí liosta ionadaithe a bhunú agus a úsáid chun críche earcaíochta sa chás go dtiocfadh folúntais den chineál céanna chun cinn. Beidh an liosta sin bailí go dtí an 31 Nollaig sa bhliain chéanna ina dtiteann an sprioc-am le haghaidh iarratas. Féadfar síneadh ama a chur leis an tréimhse sin.

## Nós imeachta iarratais

Chun iarratas a dhéanamh ar an bhfolúntas seo, cruthaigh cuntas/logáil isteach i do chuntas trí chóras ríomh-earcaíochta ECDC, comhlánaigh gach cuid riachtanach den iarratas agus cuir isteach é. **Ní ghlacann ECDC le hiarratais a chuirtear isteach trí ríomhphost, tríd an bpost ná ar aon mhodh eile.**

Is é an dáta deiridh le hiarratais a chur isteach an dáta a fhógraítear san fhógra folúntais i mBéarla. Moltar duit d'iarratas a chur isteach tamall maith roimh an sprioc-am ar fhaitíos go mbeidh fadhbanna teicniúla agat agus/nó go mbeidh brú ar an suíomh gréasáin. Ní ghlacfaidh ECDC le haon iarratas tar éis an sprioc-ama. Nuair a bheidh d'iarratas curtha isteach agat, gheobhaidh tú teachtaireacht ríomhphoist uathoibríoch lena ndearbhófar go bhfuarthas d'iarratas. Cinntigh go bhfuil an seoladh ríomhphoist a thabharfaidh tú i do chuntas iarratasóra cruinn ceart agus go ndéanfaidh tú do ríomhphost a sheiceáil go rialta.

Tá treoir d'úsáideoirí maidir le ríomhearcaíocht agus treoir maidir le próiseas earcaíochta agus roghnúcháin ECDC le fáil ar ár suíomh gréasáin:

<https://ecdc.europa.eu/en/about-us/work-us/recruitment-process>

Mar gheall ar an líon mór iarratas a fhaightear, ní rachfar i dteagmháil ach le hiarrthóirí a dtabharfar cuireadh chun agallaimh dóibh.

Gheofar an t-aistriúchán<sup>4</sup> ar an bhfógra folúntais seo i dteangacha uile an Aontais Eorpaigh anseo:

<https://www.ecdc.europa.eu/en/about-ecdc/work-ecdc/recruitment/vacancies/vacancy-translations>

---

<sup>4</sup> Cé gur aistríodh an fógra folúntais seo go gach teanga oifigiúil de chuid an Aontais Eorpaigh ón mbunleagan Béarla, is é Béarla gnáth-theanga oibríochtaí na Gníomhaireachta ó lá go lá. Dá bhrí sin, is fearr le ECDC an t-iarratas a fháil i mBéarla.